

中國抗日戰爭史料叢刊

270

主編
虞和平



國家出版基金項目
NATIONAL PUBLICATION FOUNDATION

軍事·國民黨軍隊

十九路軍抗日血戰史料（下）
現行軍法類編（下冊）



大象出版社

中國抗日戰爭史料叢刊

270

軍事
國民黨軍隊



大象出版社

虞和平 主編

十九路軍抗日血戰史料（下）
現行軍法類編下冊

第八章 國內外對我軍作戰之輿論，觀察及批評

第一節 神聖的戰爭

慰軍致詞

吾忠勇之將士乎，汝等荷鎗持戈，馳聘於滬濱之野，汝等之忠勇將得世界萬民所感戴！

汝等知此次之戰爭，非僅爲民族競生存，且爲公理正義打出路，倭人之破壞和平，無可諱言，而汝等之光榮無假。

汝等勿以家鄉爲念，家鄉之名正從汝而永彰，汝等勿以親老爲念，親老正冀汝

成爲新時代之英雄。

汝等今日之犧牲，卽奠將來吾民族之基礎，殺盡此蠻族之鬼魔卽世界永久安寧之維護，汝等灑一滴血，卽將來普遍世界之甘霖雨露。

汝等之死，重於泰山，汝等之死卽降福於後世萬人，勉乎哉！誓不生還！

誠然，誠然，我軍在這神聖的戰爭當中是誓不生還的，不但我軍，全國皆如此！當一八夜開戰以來，不到二十四小時，舉國空氣完全改變，繼而國際空氣也完全改變了！於是凡在覆載之中，六合之內的人類，除站在特殊環境者外，不論中國與外國，皆一致歌頌，以至於顛狂崇拜了。二月三十日上海時事新報社論云：

舉國皆在戰線矣

十九路軍以及民間志士，憤日本之侵侮不已，乃於前夜應戰於上海之閘北，忠勇奮發，殺敵致果，殲彼勁旅，克彼軍部，虜甲車，墮飛機，一鼓而挫其兇鋒，再鼓而追亡。

逐北、溯四閱餘月以來，外侮所加之恥辱，國際輕蔑之觀感，民族垂絕之人格，萬衆抑鬱之心理，一舉而有掃蕩之觀。蔣介石氏等屢次聲言其「戰而不宣」之策略，至是而始得事實爲之證明。英美諸國夙昔採取熟視無覷之態度，至是而漸見搖撼。國事大勢，此其打開新局面之機運矣乎！

國人自聞抗日軍事之捷報，無問智愚，喜溢眉睫，簞食壺漿，絡繹載途，攘臂奮呼，踴躍投効者，實繁有徒。雖遙望閘北，火光燭天，明知付之一炬者，無非國人膏血，雖劫餘災黎，扶老攜幼，明知大多衣食失所，憑藉來日大難，然綜觀民氣之旺，尤遠勝於辛亥革命初期之景象焉。嗚呼！國家存亡，猶待未來之判決，顧謂如此人民而爲亡國之人民，我不信也，我不信也……

又上海申報社論云：

抵抗與同情

方去年九一八日軍強佔我東北，東北當局擁數十萬大軍，竟全師退却毫不抵抗，而東北軍人亦竟忘其衛國守土之天職，甘受個人之指揮，一退再退，坐視東北半壁河山，全淪敵手！當局既如此其怯弱顛預，故斯時雖值國際聯盟集會伊始，而遂僅持冷眼旁觀之態度，一再作遷延敷衍之決議。蓋在此不抵抗之怪現象下，國際人士已視中國民族爲甘受日本之宰割。

及天津禍變再起，錦州失陷，青島福州等地之擾亂，接踵而起，種種暴行，絕對爲有血氣之民族所萬難忍受。而各地當局，終始持息事寧人之態度，甘心退讓。在此情形之下，我國民族固奄奄無生氣，而國際人士對於日人之暴行，則更忘其爲違背公理與正義者，故當此次上海禍變爆發之初，列強竟不顧慮其市場，不預爲制止，在其心目中蓋早已預料我國軍隊必不抵抗，即抵抗亦不過如鹽澤所云四小時即可解決，故仍冷眼觀變，此蓋自九一八以來列強一貫之態度也。

斯時乃幸有我十九路軍英勇之將士，毅然肩承其衛國守土之天職，奮起抵抗。

旬日以來，每戰必捷，彼耀武揚威，目無世界之「東亞霸王」，平素爲國際人士所稱道者，今在我十九路軍英勇抗爭之下，雖擁有海陸空之大軍，與最新式之利器，竟毫無所施其暴力，此種偉大之事實，蓋亦國際人士始願所未想到者也！

有此英勇之抗爭，夫然後國際人士之耳目，乃爲之一新，乃認爲中華民族尚未喪失其立國之精神，於是而國聯對日，乃發出嚴正之勸告，於是而國際輿論，除有特殊原因者外，亦頓時轉變。

及聞我軍之退也，國人無不痛哭，可見此神聖之戰爭，感動人之深！申報社論云：

我人當繼續奮鬥

頃據前方消息：我軍以敵重兵壓迫，後援不至，已全綫退却。國人驟聽此消息，當無人不爲之痛哭，當無人不爲之撫膺長慟而莫可如何！

自一二八戰幕揭開，迄今恰爲一月又二天，十九路軍以血肉抗日軍軍艦大砲。

飛機，以及鐵甲車，坦克車，烟幕彈，特姆彈等最新式之利器，維護我民族之人格。此三十二天中，衝鋒陷陣，肉搏鏖戰，亦已屢挫強敵，使其不敢正眼相看。十九路軍之英武，誠可昭示世界，誠無負於我國家與人民，設不愧爲我民族之武力，人民之武力，應得我全體人民擁護與崇敬！

至我人民對於此次戰事，慰勞救護，與十九路軍協力抵抗，亦已竭盡國民之天職，亦已可謂無負於國家矣！

雖然，此次英勇之抵抗，既已昭示世界，以我民族今尚未喪失其立國之精神矣！此後本此精神，以終始抵抗，作持久之艱苦奮鬥，則我人當終可維護我民族之生存自由，並爭取公理與正義之長存。

國人乎？今日之事，吾人爲自救救國計，惟有繼續奮鬥而已，復何言！復何言！

又云：

如何創造更偉大之歷史

十九路軍以孤軍抗強敵，苦戰一月又二天，雖終以敵重兵與利器壓迫，不得不改變戰略，退却待援。然而在退却之前，猶奮其英武於八字橋之血戰中，予敵以重創，而後全師從容引退，秩序井然。日軍於此，應亦知中華民族之尚未容輕侮，公理未必遂終爲強權之鐵蹄所蹂躪！

一月又二天，茲已倏然過去，但此一月又二天，在我民族歷史篇幅中，爲悲壯，爲偉大，爲光榮，爲永永不可磨滅，極有意義有價值之一頁！而此一頁光榮歷史之造成，則完全爲我盡職之將士與人民協力奮鬥之結晶。故吾人今後如欲保存此一頁之光榮歷史，并創造我民族之新生命，則吾人惟有繼續作艱難而持久之奮鬥，毋灰心，毋喪氣，土耳其抗禦希臘，苦戰二年，歐戰前後之比利時，亦苦戰四年而復國。吾人如能具持久抵抗之決心，則更偉大更光榮之歷史，終當在吾人熱血灑洒之下，展開於

世人之眼前。

至於國外對我軍作戰之贊美，崇敬與同情，幾隨處皆是，即敵軍本國亦不免要致其十二萬分的敬佩。關於此類材料委實太多了，茲擇其簡要者匯錄如下：

歐美軍人觀戰驚歎我軍神勇

一聲喊殺向礮火衝去

昨午江灣路血戰一般

昨晚據西人方面傳出一可喜消息，略謂此次日軍向華軍挑戰，日方早出驕矜誇大之詞，曾謂華軍不值一擊，日軍於數小時內即可佔領上海全埠，不料事出意外，日軍連戰皆北，日當局更憤愧欲死。於是惱羞成怒，遂不惜孤注一擲。竟於昨日（三日）竭海陸空全軍之力，向吳淞砲台及閘北方面大舉進攻，但效力更等於零。且全軍大受重創，日艦一沉四傷。此種消息傳出後，不獨華人聞之悲喜交集，即外人方面，

亦同時感到愉快。於是留滬歐美各軍事家，乃組織一戰地觀察團，紛往前線陣地觀察。昨午親抵江灣路，適該處戰事正烈，日軍以大批野砲及機槍向華軍防線猛攻，華軍初僅回砲還擊，既見日軍發砲勢若聯珠，華軍防禦物被毀數處，此時華軍非獨不退，反一聲喊殺，而迎如雨之砲彈方面，衝鋒而出，前仆後繼，勢如潮湧。結果，日軍大亂，紛紛丟槍棄砲而逃。是役華軍共奪得機槍十七挺，野砲七門，步槍子彈無數。然所受犧牲亦鉅。惟當華軍衝鋒時，不獨日軍望風披靡，旁觀者亦且驚心咋舌，悉認爲此種犧牲精神，卽歐洲大戰中亦所罕見也。觀此，則日軍最初數小時佔領全滬之夢想，殆已完全打破矣。

美軍官稱贊我軍

布置適當作戰神勇

大美晚報云：北平美使館警衛團軍官湯馬遜氏，前星期一日抵滬，曾偕本埠美

國海軍軍官觀察華軍陣線，對於華軍戰壕及士卒勇氣，甚爲稱贊。湯氏不但爲一軍官，同時亦爲一著名戰爭小說家，其傑作常發表於 *Cosmopolitan* 雜誌上。據其對記者談：華軍戰壕陣線，選擇適當，且能盡量利用自然界軍事要點。雖前有大礮轟攻，上有機隊猛炸，卒能奮勇抵抗，至死不懈，十分可佩。然日軍防線單薄，華軍不加反攻，屢失良機，實在可惜。又有一點，華軍死傷者多係頭部中彈，爲大礮及機隊炸傷者極多。可見華軍之死傷，多因無『鋼盔』所致。華軍所戴者，係軟棉帽，不堪子彈一擊。華軍對於此點，急需改良云云。

美軍官評論滬戰

國民新聞社十三日紐約電：美國卸任軍官白德勒陸軍少將今日語人云：日軍在天空轟擊開北，鑄一大錯，因非必要之着也。又謂中國軍隊之如此善戰，渠並不謂異。因若輩不論在何種領袖之下，天然爲善戰之士。苟能有相當組織，可與無論何種

軍隊作戰云。

美軍官對中日滬戰之觀察

美國某軍官曾參加歐洲大戰，日昨與記者談及上海中日戰事，據其觀察云：現十九路所作戰壕，極其奧妙。無論用如何利器，決難攻入。日本之礮火，祇能毀壞民屋耳。且日人所用礮火，成本極貴，大約中國人祇費三角錢所築之戰壕，日方非用日金千元之礮火，不能攻破。至於兩國步兵之戰鬥力，則華軍一人所守之地，日人卽以十人攻之，亦嫌不足。果使中國軍隊一心一德，堅持到底，不以常勝而驕，不以偶敗而怯，則最後勝利，必屬諸中國云云。

英報讚美我軍

華軍威力業已成立

定可恢復國家威信

路透社廿四日倫敦電：今晨每日電聞評論上海戰事，謂戰爭三日後之榮譽，屬諸中國軍隊，其威力業已成立，較諸一般世人所預料者，更為偉大，定可恢復中國乃能以自衛的國家之威信云。該報又謂據現象察之，日人現紛紛退出虹口戰線，將漸近租界，愈增外人所抱戰爭涉及租界之惶慮云。該報末稱，英政府現既援助國聯權威，局外熱心者宜少安勿躁，將此事交負責政治家辦理可也云。

德軍事家評論戰績

讚許我軍作戰能力

譏評日軍徒恃利器

昨日吳淞開北大戰之役，有德國軍事專家多人，親赴前線視察，對於華軍之戰略，甚為讚美。據其以私人資格向新聲社記者表示：外間每稱華軍體力甚弱，實際乃

不然。曾以望遠鏡瞭望，親見一華人，能與數日兵肉搏，而其結果，日兵輒不敵。又華人發彈甚經濟，彈無虛發。日兵則不然，特其軍火之充足，濫發子彈，並無準的。華軍極富於作戰能力，可作長時間之困鬥，自歐戰迄今，未見有如是能戰之軍隊。該德軍事家等又謂日軍鎗械甚利，最適宜於示威，或虛張聲勢之用，惟作戰時殊不見高明。其步鎗機關鎗之使用，不及華軍純熟，擲手榴彈更不及華軍云。（新聲社）

字林報對華同情論

華兵勇敢一鳴驚人

良好國民性堪欽佩

字林報昨載短評云：邇來各方紛紛評論近一二星期內所生之大事，容或有忽視閩北抵抗日軍後，華人心中所激發之情感者。中國軍隊常為各方指摘之的，今則一鳴驚人，以雙方軍械良窳之迥殊，吾人不得不欽佩第十九路軍官長士兵之勇敢。

而同時數千難民，雖喪其貨產，生計垂絕，而仍不失堅毅不撓之概。亦令人不能相忘。倘不再使中國士女確知各方對此良好國民性之真心欽佩，不將更可悲測。今幸救濟正在積極進行，雖杯水車薪，要亦不無小補。至中國兵士，除敵人外，對於中外人民，莫不和藹相親，卓然自重。諒即最頑固者亦不能不認此華兵造成之紀錄也。（譯者按：此文出於字林報，極堪注意也。）

西報贊美十九路軍之勇氣

字林西報云：中國第十九路軍，一月以來力拒日軍，論其事實，有可稱焉。該軍服裝不完，器械不備，其中又以童稚之年爲衆，以如此之軍，與日軍相抗，倘以他人遇之，五禮拜以前，久已退走不前。而該軍堅持不屈之精神，未嘗一動毫髮。其不能長抗不衰，久戰不敵，在該軍非不自知，然既戰則戰而至於死，旦夕之間，其聲名聞於全世界。第十九路軍即使軍實不充，凡百缺乏，而有一物則獨不缺，此物者何，即自古以來爲

士卒之所必備，爲軍中之所最重之勇氣是也。上海外人，初不悉十九路軍爲何如軍隊，今既見其勇往之概，樂爲主義而死，使人不得不起敬重之心。卽如本禮拜三，該軍疾退之時，其中仍有力守，不肯卽去，必欲彈盡殺敵而死者。他人所希望於十九路軍者，曷嘗如是其甚，錄而彰之，我人之責。在外人觀之，見其憤直不犯租界，不礙人之業產，自始至終，未嘗一易其志，當此戰敗欲去之時，更爲應受我人之敬禮焉。

我軍神勇！

西人亦多驚歎

西報記載：在公共租界內之日軍，自前夜整夜大砲攻擊後，昨晨又繼以戰鬥機，在天通庵車站附近作最殘忍之爆炸，華軍奮勇出戰，短兵相接，振臂一呼，傷疲皆起，彼此相持頗久。昨晨九點四十五分鐘左右，一隊日兵由北四川路奧迪安戲院廢址附近，向開北衝去，數分鐘後，忽聞機關槍聲甚密。雖則日軍之砲攻凶猛異常，有如西